



ATASSUT

UPA14/135-2

Gerhardt Petersen

09.04.2014

Kalaallit Nunaanni eqqartuussisarnermut inatsisip allanngortinneqarnera pillugu Kalaallit Nunaanni inatsisip atuutsinneqalernernissaanut Namminersorlutik Oqartussat oqaaseqaataat pillugu Inatsisartut aalajangiiffigisassaattut siunnersuut. (Eqqartuussiviit il.il. suliniuteqarfigineqarnerulernissaat)

(Ilaqutariinnermut Inatsisinillu Atuutsitsinermut Naalakkersuisoq)

Kalaallit Nunaanni eqqartuussisarnermut inatsisip allanngortinneqarnera pillugu Kalaallit Nunaanni inatsisip atuutsinneqalernernissaanut Namminersorlutik Oqartussat oqaaseqaataat pillugu Inatsisartut aalajangiiffigisassaattut siunnersuutip aappassaaneerneqarnerani ATASSUT-mit naatumik imaattumik oqaaseqaateqassaagut:

Suliap siullermeerneqarnerani oqaaseqaativut innersuussutigalugit ATASSUT-mit Inatsisartut Inatsisit atortinneqarneranut atatillugu suliap aappassaaneerneqarnissaata tungaanut sukumiisumik sularinnissimanera ATASSUT-mit qujassutigissavarput.

ATASSUT-mit isertuutissanngilarput Danskit Naalakkersuisuisa siunnersuummik Kalaallit Nunatsinni Inatsisartunut apuussinissartik sioqqullugu sularinnissimanerat assut isornartoqartikkatsigu, tassami paasissutissat eqqortut atorneqarsimanngillat aammalu Nunatsinni eqqartuussiveqarnermik suliaqartut akerlerisaannik aalajangiisitsiniartoqartoq paasinarmat.

Taamaammat ATASSUT-mit sakkortuumik eqqarsarnartoqartitsilluta isorinnillutalu suliap ingerlanneqarnera malinnaaffigeqqissaarparput. ATASSUT-millu neriutitigilluinnarparput siullermeerinninnermi Nunatsinni Naalakkersuisut Danskit Naalakkersuisuiunut apuussisimassasut suliap ingerlanneqarnera naammaginangitsoq aammalu taamak pingaaruteqartiginera innersuussutigalugu suliap eqqartuussiveqarnermut tunngasut taamak qalliinnarsiortigisumik sularineqartanninnissaannik piumasaqaateqarnermik malitseqarsimassasoq.



ATASSUT INATSIARTUNI

ATASSUT-mit takusinnaavarput eqqartuussiviit suliassarpassuisa kinguaattoorutaasut ukiunut tulliuttunut pingasunut aningaasaliunniarneqartut siunnersuut manna akuersaarneqanngippat ikilisaaneq aallartissinnaanngitsoq, taamaammallu ATASSUT-mit suliap ingerlanneqarsimanera naammaginngikkaluarlutigu oqaaseqaatissatut siunnersuut akuerseqataaffigissavarput.

Sakkortuumilli Naalakkersuisunut piunasaqaatigissavarput inuit saqitsaattarnerannut tunngatillugu suliassat qitiusumit suliarineqartalernissaannut tunngasoq eqqumaffigilluinnarneqassasoq aammalu kingusinnerpaamik ukiut pingasut qaangiuppata nalilersoqqinneqassasoq.

Aappassaaneerinninnermi taamatut oqaaseqaateqarluta Inatsisartut Inatsisinut Ataatsimiititaliaani amerlanerussuteqartut innersuussutaat tusaatissatut tiguarput.